



中電「天氣先生」 密切監測天氣 以準確預測電力負荷為己任

每日睇天氣報告，知道好天定落雨、熱咗定涼咗，可能係唔少人嘅生活習慣，但要將分析天氣的興趣融入工作之中，為供電系統提前做負荷預測，就要靠中電輸電及供電業務部一班幕後軍師！

中電輸電及供電業務部系統運行部副總監（運行規劃）CM對氣象著迷，經常觀察香港嘅天氣，佢同團隊會監測天氣變化，並預測電力系統負荷，確保電力供求穩定。入行35年，CM睇過香港無數個晴天雨天，無論幾微細嘅天氣變化，佢都會同同事詳細分析，因為小至半度嘅溫度變化，或者係風向嘅改變，都有機會影響電力負荷嘅數值。

CM除咗會評估電力系統嘅負荷變化外，亦會聯絡中電各個發電廠，獲取發電機組同發電燃料嘅資訊，以最具效益、環保、安全嘅方法訂定每日嘅發電計劃。近年極端天氣變得頻密，增加供電系統負荷嘅挑戰，CM同佢團隊每日嘅工作就更加重要！

秋冬轉季電熱水爐之選 賺分換獎賞 沖個慳電涼！

當天氣開始涼，想沖個舒舒服服嘅熱水涼，就要考大家識唔識揀電熱水爐喇。

電熱水爐有三種款式，分別為即熱式、中央儲水式同花灑儲水式。

即熱式係即開即有熱水供應，方便快捷，但購入前要留意部份高功率即熱式要求三相供電，建議購買前先檢查屋企嘅供電情況或詢問大廈管理處；中央儲水式容量較大，由18公升至38公升不等，可提供多個供水點。花灑儲水式容量由12公升至23公升不等，可提供一個供水點。無論中央或花灑儲水式電熱水爐，都有具速熱技術嘅型號可供選擇，只需5分鐘預熱就可以沖30分鐘熱水涼喇。沖完涼之後，大家應即時熄咗熱水爐，咁樣就更慳電喇。

度度賞平台有超過90款既安全又慳電嘅電熱水爐，無論係即熱式、中央儲水式定係花灑儲水式電熱水爐，度度賞平台都有齊，供客戶選擇。以至抵優惠價同用積分換購電熱水爐，咁就可以過一個暖笠笠嘅秋冬啦！

中電 義工隊 用遊戲幫老友記打氣

探訪老友記、陪佢哋健身做運動、同佢哋鬥智玩桌上遊戲，中電義工隊全部「使命必達」！

今年係中電義工隊成立30周年，一直與不同社福機構緊密合作，為社會上有需要人士送上溫暖。我哋嘅義工項目好多元化㗎，服務範圍由最初嘅重鋪電線，擴展到社區探訪、清潔沙灘等。好似我哋同朋愛牛頭角長者中心合辦嘅「中電耆智大使計劃」，義工會藉遊戲過程及各種測試，增強老友記的認知能力，以及為老友記製作個人「生命冊」，俾老友記有機會講佢哋人生經歷同感受。

我哋嘅義工Sandra加入咗計劃7年，喺今年嘅活動入面佢就陪伴獨居嘅鳳媚婆婆整燈籠，慶祝中秋節，佢仲抽時間上門探訪婆婆，聽佢後生嘅故事，仲陪佢製作靚靚嘅生命小冊子。精靈嘅鳳媚婆婆唔止好滿意閃閃發光嘅燈籠，仲話想見多啲探訪義工㗎。

踏上低碳e旅程 低至半價購人氣產品 終極狂賞祭最後召集

辛苦咗成年，係咪想買份禮物獎勵下自己？機會嚟喇！全年終極狂賞祭大家有機會以低至半價搶購人氣產品同潮流家電，包括iPhone、iPad、三星各類產品、PS5、任天堂Switch、Dyson產品等，款式應有盡有，具體優惠詳情可以參考返我哋嘅活動網頁㗎！

想參加終極狂賞祭以終極筍價購物，就要喺12月底前完成指定低碳任務！今次終極狂賞祭嘅低碳任務非常簡單，只需3步㗎，就可以拎到終極狂賞祭嘅入場券㗎喇！

1. 填妥「低碳e旅程」參加表格
2. 申請電子賬單，並喺指定日期內持續使用電子賬單提示
3. 活動期內持續選用自動轉賬或電子支付繳費

除咗終極狂賞祭嘅入場券之外，登記電子賬單仲可以即時獲得500度度分，兌換各種精選禮品；轉用電子繳費服務更加可以獲得各種繳費優惠㗎！

新App起動話咁易 立即啟動中電One賬戶檔案

Q 我第一次申請網上賬戶，咁咗下載咗最新嘅中電App，點樣可以啟動新嘅中電One賬戶檔案呢？

A 只要跟住以下3個步驟，你就可以全面啟動中電One賬戶檔案喇！

1. 建立中電One嘅個人賬戶檔案，大家記得填寫好自己嘅姓名、電郵同電話號碼，因為我哋會即時發送一次性密碼（OTP）俾你，作為驗證用途㗎。
2. 成功輸入正確一次性密碼後，你就可以按「連結電力服務」按鈕。
3. 記得準備好你嘅身份證，因為呢一步你須要輸入你嘅身份證號碼同埋英文姓名。如果你之前並未認證身份證，你需要拍攝並上載身份證，咁我哋先可以核實你嘅身份㗎。



請留意，如果你之前已經擁有中電網上賬戶，就唔需要再次建立中電One賬戶檔案，你可以直接用你本身嘅登入方法去登入就得喇。

成功啟動中電One兼用電子支付工具交電費，仲有唔同嘅銀行優惠等緊你哋㗎，快啲試用我哋嘅升級服務啦！